

兩浙輶軒續錄

兩浙輜軒續錄卷四十六

鍾駿聲 孫詒經 徐芝淦 富樂賀 汪繩武

王修業 董葆身 錢臺 王金銛 張維嘉

潘誦先 蔣琴山 陳功建 陸文鼎 朱崧

徐元章 費錫奎 沈金藻 丁步瀛 程春

盧奕春 黃應楷 丁兆慶 畢淦 王佑

戴鋈 黃喬年 劉大鎬 王廷紱 王廷晉

馬毓駿 陶綬青 顧家樹 傅鼎乾 孫篤祐

孫榮 朱銘 趙賡颺 牟旭光 陳元穎

劉履芬 劉觀藻 胡維勳 吳昌祺 嚴鈞

張翊儔 胡禮謙 朱亢宗 張應煦 王士鈞

許等身 王朝榮 莫如海 胡學綸 吳敬襄

陳祖延 高德麟 蔡綸書 許誦康 浦鴻鈞

顧宗歐 黃錫蕃 胡慶增 胡廷楨 山鳳輝

陸脩潔 包虎臣 黃爾法 徐本璿 戴望

劉芬 胡枚 傅霖 胡肇鈞 張履泰

陳愷 徐鳳藻 張得僑 陳維翰 郭協寅

鄔應溥 上官德潤 趙鴻治 胡維寬 林鳴球

馮邁

兩浙輟軒續錄卷四十六

督學使者潘衍桐訂

鍾駿聲

字雨辰號亦谿世耀子仁和人咸豐庚申一甲一名進士官至翰林院侍讀學士著養自然齋集

輟軒集

顧復初序略雨辰脩撰詩氣體清朗格律矜嚴然皆本

之性情真氣盤鬱至於骨肉友朋之閒懽樂憂戚之際

發揚忠孝抒寫風

烈尤三致意焉黃雲鵠序略雨辰學使詩由研鍊精緻變為悲壯蒼

涼又變為夷猶澹遠固由境使然抑年與學實為之

杭郡詩三輯雨辰尊人嘯溪駕部淡於宦情歸田後不

問世俗雨辰刻苦自厲才藻富瞻戊午列賢書南宮高

捷遂登大魁辛酉鄉闈王戊會試疊司同考典試湖北

提學四川後擢侍讀學士歿於京邸別著養自然齋詩

話兵燹傳聞鄉邦

文獻賴之不墜

借孫子授詒經

之永平

離家千里帶星征旌旆迢迢指北平鴻雁不來鄉信滯牛羊

初下夕陽晴高秋風景宜關塞獨客窮愁仗友生五斗紅塵

今一洗從教詩句帶邊聲

輿中口占

嶺斷一峰補風吹萬壑哀秋花如客瘦落葉逐人來碑蝕辛
羊少泥深甲馬開摩圍山下路一步一崔嵬

孫詒經字子授錢塘人咸豐庚申進士

王文韶傳略侍郎少承庭訓于封公翔伯先生已師事
張文節公洵文節贈封公聯云謝庭蘭玉皆名士蘇氏

文章各大家時以爲尤年十九出吳姓舫先生門成諸

御試優等擢官學教習釋褐授檢討

聖聽侍郎與焉山是供奉

主知歷典陝甘福建鄉試提督福建順天學政官至少司農

制游覽酬唱外題畫之作亦卓卓可傳不屑以詞章名脫毫

詩輒棄去故多所散佚學古堂

緝雅堂詩話子授侍郎以文學受

上知入直

南齋二十餘年嘗拜

賜文章

獨步扁額儒林光寵歎爲昇數善畫山水題畫詩至

多惜不存稿先兄漁商君乙丑會試出侍
郎門情分甚篤感懷舊誼彌用愴然

恭親王命題唐集句圖卽和自題原韻

翊贊功高力已疲宗藩位業震華夷
塵緣變境空諸相法界

清游證祖師

王好作
方外游

閱歷平生孤枕夢精能餘事百篇詩一

年一集爭傳誦鬪角鉤心亦太奇

漫將得失論雞蟲心醉三唐妙詠中
百衲琴絃清韻古七襄
雲錦巧機同雄才直欲兼羣美奇句誰攜問太空
我亦梁園舊賓客披圖仿佛坐春風

弔定海死事諸君子

漠漠沙場百戰塵獨留正氣在乾坤
長埋碧血流餘怨賸有

兩浙輶軒續錄

卷四十六

孫詒經

二

丹心報

主恩烽火孤城傷往事江湖杯酒酹忠魂
問誰替作睢陽傳
事迹分明待討論

寄和張肖眉師寄懷

春到西湖客未同天涯鎮日感征鴻
故鄉花柳曾如昨料得
家山入夢中

東風一度黯銷魂可憶杭州別酒痕
今日計程何處宿淡煙
疎雨又黃昏

寄和肖眉師渡江同施箏秋

應藻聯句

解纜長江汙漫遊分明李郭快同舟
潑天風浪中流穩極目
金焦兩點浮桃葉有情牽客夢
謂箏秋楊花無緒攬鄉愁
袖中自有淩雲賦要到蓬萊最上頭

寄和肖眉師黃河堤上作

旅況知何似，征途憶遠行。
河流千里曲，風飽一帆輕。
落落曾吾素，勞勞感客程。
天涯懷舊侶，今夜月同明。

徐芝淦

字少梅，德清人。咸豐庚申進士，官戶部主事。著聽秋閣詩草。

得家書述湖城陷

節旄坐擁壯軍門，颯爽英姿酒一尊。
颺去誰知鷹已飽，高談我亦蟲能捫。
風來笳鼓聲悲咽，日落旌旗色慘昏。
佗日鷗波亭畔過，更從何處哭王孫。

遣悶

閒裏光陰醉裏詩，無聊情味定誰知。
一尊除飲須臾口，百事輸人敢皺眉。
藥券叢殘堆案後，吟魂顛倒閉門時。
城南伴侶如招我，不怕醇醪滿玉卮。

破帽殘衫檢點頻一官依舊苦吟身
味如雞肋應嗤我窮到豬肝尙累人
休道看花情爛漫偶緣縱酒膽輪囷
半生何事能償願已換頭銜不換貧

客中送客總淒涼每爲離愁罷舉觴
忙不能閒蜂釀蜜居無定所鼠搬薑
晨炊夜粥粗安頓北酒南茶細較量
頗憶煙波三百頃消磨長夏是江鄉

富樂賀

字崇軒杭州駐防滿洲正藍旗人官福建知府著閩游草

杭郡詩三輯崇軒性豪邁綽有家風善隸書廣蓄古玩及名人書畫枌復梅青書院未竟以知府銓赴福建盛凱廷觀察續成之

自題春宵聽雨圖

宦海韶華廿載過嚼殘雞肋味如何
雨窗旅思如新柳絲逐深春日日多

纔從閩嶠卸輕裝風雨催人憶故鄉自笑行蹤如燕子銜泥
江上去來忙

晚風料峭漏聲沈靜擁瑤編閱古今爲愛劍南詩意好小樓
聽雨到更深

馬足車塵半九州雪泥鴻爪感重游圖成待乞生花筆海底
珊瑚一網收

汪繩武

字薇伯錢塘諸生官嘉善教諭著覆瓿詩存

遇金大明府

申祐

於榕城喜贈

天風送海舟片席閩嶠駐君踰仙霞行我向溫麻住日月有
弦望旣別復相遇同是劫餘身謀生無定處生涯尙教授循
良竊跬步短轅羈驥足烏飛擊鄉樹挈家重艱難無家獨悽
苦男兒誓報國此身敢輕許事權不我屬踵頂空何補君所

宦遊地是我舊鄉土何日相將歸甘棠重摩拊

君子崇友道結交常以心矧茲患難偕生死感不禁天涯雖
云遐知己猶苦岑笙鏞無異音松檜無異林惓惓此中意肫
肫篤自今勛哉車笠言山高而水深

我有一端錦欲以貽所思思渺何處夢想若見之夢見易
爲離相見難爲期心隨骨月碎淚以契闊滋歲寒知松柏世
情婉金石擾擾青榕城誰向窮途識抱此方寸誠卻望舊鄉
域把酒與君言相對增懷惻

昔人尙勳名溫飽非其志至竟百年內傳弗饗飧計貧者事
事乖況當亂離際出門悵何求仰屋滋益瘁一身尙不遑何
論天下事慷慨濟世才乃爲衣食累緬彼鮑叔賢短盡英雄
氣

十月朔風冽百卉隨凋枯萋萋青陽至垂條穠華敷鬱樛氣
乃盛病已貌加腴春榮本冬蟄草木乘時舒人生天地閒此
理亦何殊古之特達人出身多泥塗勿爲時命悲慎保千金
軀困窮今已逝康莊瞻前途

張節婦詞

并序

節婦魏氏杭州人適錢塘附生張亮采夫病刲股治
之不效夫知其有死志以奉母相屬事姑十六年姑
歿視含殮畢仰藥死

噫吁噉生不知樂死何悲

節婦遺書中語

天性純篤視如歸一十六

年如一日以婦代子職無虧職無虧可以隨姑泉下見夫子
含辛茹苦人不知從容就義乃如此君不見黃鵠哀鳴魯陶
嬰宛頸獨宿全其貞又不見淮陽成卒陳氏婦事姑終身如

事母卽今芳徽重江鄉煌煌綽楔輝

天章人謂節孝志可慰賢者祇自安其常武林山高湖水深
冰霜志氣疇不欽請看仰藥從姑日猶是當年刲股心

和學使濂甫丁公疊喜軒詩

公爲杜石樵先生所取士

嗣君文正公會試捷音因題試院齋曰聞喜軒今學使亦於湖州試時得長子捷書乃復額曰疊喜

疊喜遙符聞喜奇吳興題署筆淋漓關心子舍成名日回首
師門校士時瑣院清和雙玉尺木天先後兩瓊枝和凝衣鉢
親傳得先賦春風及第詩

王修業

字肖山錢塘諸生箸操觚餘事

浙江忠義錄修業幼嗜吟詠敦氣節辛酉殉難

春陰曲

儘日風光看不足花吐新紅草噴綠東皇不肯負三春放縱

羲輪弄晴旭翠閣朱樓春正深紅闌十二春忽陰香霧微濛
低一抹玉簾斜壓影初沈黯黯時光偏覺短一分寒裏一分
暖者番醞釀費春心句起情懷人漸懶薄暝低籠雲不收柳
枝無力花枝柔癡蜂倦蜚苦留戀燕燕鶯鶯只自愁人似海
棠宜穩睡粉痕紅褪三分膩魂繞天涯夢不成韶光翻說晴
來媚不晴不雨怨芳時如織苔痕暈綠絲飛絮落花渾不住
促儂滋味耐相思

夜坐

散髮坐遙夜佳人彈素琴流螢飛上衣涼氣不覺侵且判百
杯醉諒此千載心廣陵亦已散飛仙那可尋

董葆身

宇寶生錢塘諸
生箸寄廬詩稿

謁柳州二賢祠

古柏尙參天鄉祠仰昔賢
積垣八九尺敗屋兩三椽
遺像積塵土何人司豆籩
龍蛇餘壁畫一望草芊緜

秋夕遲項建霞錦標不至

流雲薄無色涼月半彎斜
有客虛良夜何人賦落霞
星河明萬里砧杵靜千家
吹冷西窗燭秋風透幙紗

錢臺

字鐵珊仁和廩貢候選訓導著飛白竹齋詩鈔

王麟書曰鐵珊年未冠即能作擘窠大字出爲記室猶臨池拈韻日有常課時有隴詩錢字郁文章之語稱湖

聖三傑

和馬棣園陶次卜居用樊榭集中移居原韻四首錄一

開徑尋花喜欲顛此中曾住玉堂仙

宅爲心餘太史故址

濃陰漸綠當

門竹老屋休牽上岸船人有停雲勞遠望醉吟紅雪故遲眠

宅中有紅雪樓六橋舊約春同買明月清風不值錢

錄原先生原唱有六橋煙月要

平分
之句

富春齋中次韻寄俞信孚叔邦江

身似蠶眠被繭纏打頭屋又小於船階前涼影翠如許樹外
斜陽紅欲然咫尺嚴陵舊相識二分明月好因緣秋風可以
橫長笛吹入江雲聲更圓

王金鈞

字湛廬號謁上裕齋曾
孫仁和增貢候選教諭

湖墅雜詩

蘇家廟祀黃山谷小閣無塵閉綺窗幸有詩魂三宿寄一鐙

浙派勝西江

蘇家廟祀黃文節公曾附祀樊榭
先生暨月上粟主後移供交蘆庵

草瀟秋原戰壘存阮公獨守武林門叢祠曾說輝金碧開府

重來七葉孫

明提學阮公鸞禦倭寇獨守武林門至今戰壘
尚有存者祠爲儀徵相國撫浙時重修相傳有

蓋頌文達也

枯樹當門第幾灣青山白水景依然應知春渚何居士背立
斜陽放鴨還何春渚先生家枯樹灣臨水小亭榜曰放鴨劫前有聯云青山橫北郭白水遶東城爲春渚先生書今無存矣

柘軒歸隱菟裘營柳外樓臺水上亭賸有珠兒潭水綠照人
雙鬢幾回青凌燕庭司馬家珠兒潭園林之勝不減養素劫後惟潭水尙存其舊

風來吹出唱籌聲入景猶傳夜市名可惜趙家乾淨土謝公
古廟未經營北關夜市湖墅入景之一大王廟祀宋謝公緒卽世傳金龍四大王也劫後米市蕭條廟祀亦

復未

春風小弄菜花香野語齊東未盡荒定有麻姑說滄海果然
此地應奎光菜花弄爲冶游之地父老相傳此地若無一椽片瓦當出大魁庚中一劫果有鍾雨辰殿撰之應

張維嘉

字季吉號穎仲鑒孫仁和人箬智勝居士詩鈔

家傳略穎仲幼有至性事母孝肆力詩古文詞文以
溪爲宗詩得漁洋神髓工八法得唐人三昧晚嗜漢
編羣碑版
別有逸趣
許莊祥曰穎仲先生博覽羣書尤殫心理學以身體力
行爲上性孤潔終身不娶淡于仕進以故棄舉子業不
屑就有司程試工詩善書願
深自韜晦蓋獨行傳中人也

梅花次青邱子韻

惜花誰築避風臺曾荷東皇著意栽十里春江鶯尚澀四山
明月鶴初來草堂曲檻猶殘雪石磴餘芬借綠苔莫訝洞天
寒透骨玉英曾向北風開
如此花身合是仙碧山流水證前緣未春凍蕊先開暈入夜
疏枝欲化煙移種記當鄰竹外晚開猶在眾芳前一樽喚起
孤舟夢正是溪橋欲雪天

一片銀雲壓樹頭綺窗羅幌暮仍收寫生恐落花光後

宋花僧

丁巳
晦

覓句同邀處士舟
夜月縞衣傳故事
朔風微霰動清愁
鳥能歌舞花能語
休憶城東陌上游

春入園林玉有痕
曉霞相映似相溫
願隨茅屋栽千本
曾住羅浮第一村
湘女夜歸珠作珮
詩仙夢裏蝶爲魂
山家別有花如海
翠竹陰中獨掩門

迢迢寒草翳吳宮
芳信頻煩翠羽通
疏蕊已隨清磬發
餘香

不逐曉雲空
蒼霞洞口春難老
羣玉峯頭月正中
欲訪醉翁

亭下樹

滁州醉翁亭下有歐陽文忠手植古梅

苔花應滿舊根叢

曉寒池閣淨無塵
鸚鵡闌前欲喚人
雪海記探吳苑樹
笛聲又報楚江春
旗亭載酒從今始
孤嶼題詩憶昔頻
無限韶光歸管領
天桃穠杏總非真

水態煙光樹樹依
雪消沙渚漾寒輝
春回巖岫雲添潤
月湧

陂塘鵲更飛何遜才華江右重廣平詞賦藝林稀亭臯薄暮
風生浦願借溪童一舸歸

指點疏花帶夕陽漁家門巷水爲鄉清鐘杳杳度林去碧澗
溶溶何處香月地雲階無俗思石橋蘿徑未嫌荒瑤華折得
誰爲寄惆悵西洲一夜霜

憶梅下西洲
見六朝詩

處士風流百世知祇今湖影映橫枝春寒籬落曾相識夜月
江城有所思雲冷香臺僧定後窗殘銀燭雁來時何當放艇
西泠渡重和逋仙七字詩

題許蓮史西湖游釣圖

浙西山水天下無明湖清曠尤稱殊吾儕家枕湖山隅巖泉
處處堪爲廬憶昔暮春春漲初水光澄澈可數魚湖波溶漾
鞞紋舒兩峰雲氣相縈紆好鳥發響迎笙竽山桃紅萼疑

朱惠風吹柳綠埽裾浩歌意氣凌舞雩祇今抱疴潛里閭風
光勝處猶能摹吾友許君今通儒故鄉風物心所娛示我新
寫垂釣圖筆勢髣髴同倪迂林巒著紙態有餘一竿秋水涵
清虛展卷便覺神容與置身恍在煙霞區題詩爲把栗尾書
愧無好語穿明珠借問故人邗上居西風曾否思蓴鱸

題褚河南雁塔聖教序後

山陰逸老不可招蘭亭遺迹今沈銷六朝波磔尙輕媚誰辨
虎臥兼龍跳有唐翰墨足繼古褚公筆力尤清豪此帖傳是
雁塔本八分遺意猶并包靜如寒月照幽澗曠如野鶴騰煙
霄勁如武庫列矛戟澹如河漢回斗杓瑤臺仙子步微月不
勝羅綺風神超後學摹寫易失真遂趨尪劣幾同描平原海
岳實私淑氣韻沈厚含清標東坡字畫亦雄健許書語似差

釐毫謂公書以氣節重身乃謾語欺兒曹惟公大節炳日月
廷諍置笏驚百僚長沙旣謫復再貶嘉謀不用增鬱陶德有
餘者藝必精流傳行草珍瓊瑤嗟子好古生已晚執筆易取
塗鴉嘲八法妙理實未究慕公忠義浮白澆作歌染翰墨花
凍褚家堂古風蕭蕭

與稼孫遊定光寺

桑竹彎環遠帶煙寺門喬木獨蒼然
塍閒水合孤村細樓外峰承落日圓
緇侶事閒參柏子石幢年久繡苔錢
新成殿閣凌虛起更約春遊載酒船

潘誦先

字薇卿海甯廩貢官太
平訓導著薇軒吟草

辛復禮撰墓誌先生家貧力學能文善書工詞賦弱冠
知名司訓太平士服其學教授里中一時文士多出其
門下晚年主安瀾書院講席誘掖後進諄諄不倦著春
鵲堂駢體文今散佚卒年六十九梁木之悲烏能已已

消寒四詠

圍爐

渾如負曝向南檐一室溫
和獸炭添鶉結人來宜附熱狐裘
客至亦趨炎能令暖氣空中透
不覺寒威此日嚴鐙下酒邊
團坐好卻宜分韻鬥又尖

糊窗

剪裁祇爲障風寒最怕人來指
一彈曉映日華宵映月內遮
簾影外遮闌桃花紙薄光無礙
玉液漿新迹未乾從此凍蠅
鑽不改營營眞箇出頭難

補裘

一領蒙茸歲月延百般綻裂遜從前
綫仍慈母糠燈淚冷擁
詩人山字肩不會彌縫施巧計
恐留缺陷過殘年栗膚豈少

號寒者敗絮難求望若仙

炙硯

生成鐵石性堅剛也待陽和氣始揚寒極巧難施筆札煖來春卽到文章猊爐烘罷煙雲繞鳳炭燒餘紙墨香底事嚴冬勞著作吮毫呵凍不辭忙

蔣琴山

字芸軒富陽諸生
箸留青山館詩鈔

黃言謫曰芸軒性豪邁
尤工樂府庚申殉難

寶劍篇

苾寒上指太乙宮赤堇飛出蒼精銅天帝臨冶月魄蝕洪鑪鑄出雙飛龍陽文陰縵曜素彩二十八宿羅心胸利可斷犀寒照膽魑魅罔兩潛其蹤赤帝橫行白帝哭一人萬人誰雌雄可惜中原無所用神物棄置豐城中薛燭不作張雷死夜

深嘯月流長虹

秋夜泊江干聞笛

一聲長邃起風月滿孤舟傳出曲中恨令人江上愁星分吳野闊潮落海門秋哀怨三更裏茫茫思不休

擬築水閣

擬買憑谿地一區煙霞布作輞川圖沙邊歸鷺眠飛絮水面遊魚唼沫珠短榻秋高堪臥月荒灘稅薄免催租他年過客尋芳躅猶有青山孝子廬

先孝子力貧時有留得青山在云云今其故廬顏曰留青山館

陳功建

字菊生秀水諸生

白嶽菴詩話茂才所居即故金陀別業庚申之亂避地梅里性慷慨舊交故友貧賤乞米無勿應家故中人產坐是益耗折吳少宰存義祠學浙江親至曝書亭倡捐廉俸爲建祠宇置祭田並購蘇笠小像勒于石屬茂才董其事落成賦詩紀事有泉石鍾懷新笠展滄桑重話舊亭臺之句

題余嘯松白嶽庵圖

簾泉石室舊巖扉松竹蕭蕭剝啄稀一事知君尤快意峯頭

危立看雲飛

白嶽飛雲爲海陽入景之一

陸文鼎

字肖彝嘉善諸生

家傳略肖彝家寒素以舌耕事母極孝伯仲之間怡怡如也咸豐庚申邑城陷時侍母疾在家被掠至蘇州謂鄰人與難者張大德曰士當以死報國緣家有七旬老母且忍死冀得脫歸後爲賊所覺防閑益密知終不能脫至十月朔作絕命詞七首屬大德持歸轉達家人并述己苦志遂絕食五日而死

絕命詞

一家終日困圍城大節千秋有阿兄

謂萃甫五兄長嫂錢氏與所生女城陷時俱投

河死緩死須臾非苟免初心欲慰倚閭情

白髮高堂過七旬深恩未報倍酸辛可憐槁餓吳城日猶是

慈闈夢裏人

朱

崧

字高村海鹽諸生箸江峯詩鈔

縣志崧落拓不治生產雖晨炊不舉而嘯歌自若

登六和塔觀潮

捲地北風起天邊湧雪濤帆乘千里疾塔倚半峯高霸業已消歇江聲空怒號吳山與越水回首重蕭騷

徐元章

字守鶴號侶梅海鹽人著味吾味室吟稿

縣志元章幼力學耽吟詠咸豐庚申賊陷禾郡元章出粟助團練衛鄉里所居地僻親友避難至者結社吟詩先後得四十餘人刻有小桃源室聯吟詩存

汪堰漁火

一堰少行人遙天萬籟靜鐙火集漁舟隔岸星光耿隱約篷底語依稀水中影林撼寒濤急渡鎖白雲冷一聲起長笛老漁酒初醒

費錫奎

字亦澗石門諸生著壺隱賸案

卽事

獨坐無端百慮侵一庭煙雨碧沈沈
酒鑪到處添新債詩社歸時續舊吟
逆旅僮奴猶子女清閒城市亦山林
晚來別有消愁法步入幽篁聽鼓琴

沈金藻

字石生號蘭卿平湖諸生官嘉定巡檢著紫茜山房詩鈔六卷

辭時雨序略生名家子學有淵源少喜爲詩希蹤風雅泊兵事起鄉井淪胥奉母奔走危而後全已而從政吳中將以文章飾吏治則向之以詩人目生者又將以循吏目生矣

秋夜吟

牽牛花放秋風寒梧桐葉落金井闌
美人如花隔千里紅蕤歷亂無人理
沈沈明月照梅梁香銷寶匣鼉更長
夢魂不識關山路妬煞銀河鵲橋渡
鏡臺寂寞淚如絲玉釵敲斷君未

知龍城迢遞斷消息搖落芙蓉好顏色

病馬行呈慰農師

邊城九月鳴秋笳朔風捲地飛塵沙病駒權奇撐瘦骨昂首
長嘶苜蓿花西徠縱非大宛種萬里關山學騰踴曾思捷足
踏河源誰料困車躓秦隴自從離亂休道旁嘶霜皁雨烏啄
瘡一斗莖豆分驢駱郡兒鞭笞等牛羊低垂騾耳傷憔悴秋
高夜滴英雄淚不羨將軍白玉鞍豈求都護黃金轡但願主
人醫羸蹶爲君奔突陰山西朝追青海飛塵滅暮逐黃河落
日低祇今泥塗未拂拭尾蟠夜雨嘶不得江干蔥葉翦初齊
陌上桃花慘無色窮途忽遇九方臯一鳴奮起張拳毛倘借
金鞭試驅策不辭飲水長城濠

初至巴城署題壁

棹檣偶來此頻年宦興闌時艱荒舊業親老戀微官隔院鐘
聲動開門波影寒暫爲五湖長檢點釣魚竿

禮巴城陽城傀儡月雄城五

暇時聊射鴨興到且栽花歲杪初分俸人稀晚放衙春流寒
礪抱落日野塘斜一棹煙波闊思攜范蠡槎

丁步瀛

字湛卿平湖諸生

感懷

飛蓬逐波流落葉因風起得勢高且遠失足伊胡底苑枯全
其天借力不足倚試看松上蘿何如道旁李

秋菊種老圃色香淡亦好本具傲霜姿晚節得自保陰陰桃
李枝未秋色先槁彼蒼本無私得氣有遲早

程

春

字一琴平湖人著銀杏山房詩鈔

孫灝曰一琴居乍浦城南庭有銀杏一株大數圍綠陰
滿屋常邀同人觴詠其下臨歿以詩稿屬沈浪仙鈞不
啻託孤之重

卽事

蕭條古巷草纖纖獨掩柴門歲月淹病久長眠非我懶年衰
多語恐人嫌茶煙裊裊流琴几花氣濃濃捲竹簾那得故交
憐寂寞清談乘興過茆檐

盧奕春 字捐橋平湖人著

乍浦紀事詩 錄六

梅花繞屋暗香浮人品詩才第一流寂寞簪書窮餓死蜃園

介節自千秋 李確字潛夫自號龍湫山人工詩歌既登賢書

其閒甲申閏變髮入龍湫山蠶園絕不給好事者多載酒來
以周之非其人不受也著有蜃園集九山志九山游草忘機

社月令詩送秋詩梅花百詠詩
刻沒後學者私謚介節先生

林密山深好隱居高人未肯上徵車松聲萬壑一簾雨長日

閉門自著書

元陸正字行正自號率齋居士鄉諡靖獻先生

祖屢徵不赴隱居陳山教授生徒以慎獨存心為要著

有七經補註

樂律考正學編克己雜言凡八十餘卷

萬株松樹拂長空臺畔年年掃落紅檢取名花成逸史品題

二十四番風

明王路字仲遵號澹雲性喜蒔花居龍

海市圖成眼界寬曾聞妙筆繪齊紈秋風嬾上高峯頂好向

晴窗展卷看

宋周堯敏號學山嘉善人僑寓海上嘗繪陳山

欲飛動事載

海市圖武塘周鼎題曰有城哉山觀其海勢身

一卷新詩迥出塵衙齋畫靜訟庭春閒將判事狼毫管自寫

蘭花賣與人

邱靜齋名永安甘肅綏來縣人官乍浦巡檢門

表塵

庭蕭然嘗賣畫自給蘭竹最工詩亦清新迥出

三尺豐碑記姓名留傳死節凜猶生舟從烈女渡頭過流水

潺潺徹底清

李斷女乃諸生李金女居乍浦嘉靖間倭入寇父攜之行女度不免乘閒投河死學使阮公勒

石海濱曰李斷女死節處同時又有烈女六人俱嘉靖中死於倭者

烈女渡在北門外

黃應楷

字小涪歸安諸生箸潭舫詩存

三里灣看荷

落日放船好看花向水濱
菱荷香作國楊柳暗通津
出郭無三里同舟恰五人
此游殊不惡涼味得來真

葛嶺題壁

漫攜不借上層岡
嘯傲臨風磴道涼
林樹青紅映秋水
樓臺高下簇斜陽
一龕鐙火真仙宅
四壁蟲聲彼相堂
捫石讀殘題碣字
老僧閒坐話興亡

丁兆慶

字豫書號月河歸安布衣

丁鶴年序略兆慶幼穎悟過目成誦以屢試不得志遂杜門著述癖嗜書籍講求實學尤工古文與塘棲勞季

言交最善季言先沒有郎宮石柏題名考未刊此變以
至友不忍佚其著作為編目付梓同治辛未宗祠又為
守來攝郡重修府志北慶生事最勤三載始成書又為
廣德張翰泉太守纂修州志並分修歸安長興德清安
吉諸縣志著有安定言行錄古今聞見錄遜志錄月河
居士文鈔讀書餘識風水祿惑御史臺精舍題名考
緝雅堂詩話丁君為采湖州詩寫錄甚殫藥煙病榻霜
風入簾呻吟詠詠聲相和也末幾竟歿芳蘭已折玉樹
長埋徒增感舊之傷有虛薦
士之詠瞻言瞻曩負君多矣

茗溪權歌

大好湖山在眼前小樓人倚豔陽天玉蘭花餅桃花酒忙過

春光又一年

畢 淦 字 弢庵 歸安人

柳憲叢談弢庵司馬好學嗜古
精鑒賞吟事外又工駢麗文

雨窗

微雨淡秋綠焚香畫案前蚺螺頻上壁胡蝶已蠶煙消息故

人斷清寒今夜眠
明當問花事
尙未理琴絃

王

佑

字守巖
歸安人

柳隱叢談守巖久客乍浦嘗受
詩法於林雪巖壽椿清穩可誦

自在庵

曲徑通蘭若
鐘聲出殿來
境閒空色相
心淨澹塵埃
茶話留
禪榻
香煙繞講臺
古藤花一本
燦爛佛前開

過劉雅舟幽居

長卿栖隱地
半郭半村莊
綠竹遮茅屋
青藤覆古牆
隔城嵐
翠撲入徑
野花香一笑
欣相遇
清談到夕陽

尋宋妃時卿雲墓

南渡偏安事已非
殯宮空自對斜暉
多情惟有春來鳥
銜住殘花不忍飛

戴

望

字瘦竹慈谿諸生
著聽鸛山房詩

養自然齋詩話瘦竹性孤介爲詩沈思獨往不落
凡近多險怪語僻處海隅無知之者亦可哀已

短歌行

道置希世珍盲人能得之相遇雖不恩勝爲明者嗤持心無
人贈一擲與市兒死欺千金骨生甯屠沽騎
鵬志小天下不能容其翅微蝨安于命處禪有餘地睡我崑
崙巔夢餐無情餌醒持仙人帚一掃人閒淚

夜起

大象沈沈息萬勞空山夜氣入洪陶月依霜瓦無聲冷星撥
風枝不動高窮後文章雙鬢老愁邊天地一鴻號寒宵獨立
鍊秋思瘦骨支人到緼袍

黃喬年

字麓樵
鎮海人

過七寶塘夜泊

橫塘景色晚來幽一抹斜陽紅渡頭蘆岸炊煙漁艇集柳橋
鐙火酒旗收人隨孤雁來江浦月帶疎鐘上畫樓夢裏客懷
無處所幾疑片葉是歸舟

渡錢塘江

渡頭車馬逐輕塵蘆葦蕭蕭夕照新流水自來還自去江船
送老幾多人

劉大鎬

字瘦香定海貢生
著桐華館詩稿

野寺

野寺何年建蕭條歎僅存斜陽穿破壁荒草沒頽垣冷僧
常出堂空佛不尊無人蹤迹至惟有暮禽喧

自遣

暑氣旋消午日過涼風聲細拂庭柯蟻拖花瓣忙尋穴鳥得
魚兒驟掠波倚檻靜觀聊自適撫懷俗慮覺無多暮雲一片
橫空淨纔到新秋便似羅

北郊晚步

西風蕭瑟感秋華草際猶餘細碎花荒冢堆如棋滿局暮禽
忙似客歸家竹藏古寺千重密山入孤城一角遮我是獨行
無伴侶愁看雲外雁行斜

王廷紱

字曉花號繡亭山陰諸生候選訓導

送友人從戎福州

幕府求賢急徵書閩嶠來請纓酬壯志借箸仗仙才驛柳依
依處征帆故故催相思從此始且盡夜光杯

顧我窮途客艱難贖此身馬牛呼亦應龍象氣全馴出處仍

安命飛騰或有因彈冠何日可期爾拂清塵

王廷晉

字寶歟號穉園文
燦子山陰諸生

游曼陀山

陟險登幽步履遲芒屨竹杖恰相宜行來水復山重路坐到
煙深雲起時怪石一拳蹲虎豹荒祠終日走狐狸下山未盡
游春興隱隱前邨起晚炊

秦秋伊以贈馬幼眉詩見示次韻奉和

幽人槃澗足棲遲小扇輕衫酒醒時一榻茶煙留短夢半窗
蕉雨潤新詩良宵爲戀招涼枕佳節初懸續命絲欲別更教
存後約采蓮重擬訪相知

馬毓駿

字微津會稽廩
生箸吉生詩草

有寄

一日三秋結感深人生能有幾知音縱教寫遍藤溪紙未盡
纏綿一片心

陶綬青

號霞城會稽布衣

孫德祖曰霞城好畫梅每畫必賸以詩辛酉之難爲賊
得賊亦耳其名拔白刃劫之使畫不應遂被害其遺墨
經亂僅有存者不多觀也

自題畫梅

羅浮殘月更無痕萬疊蒼山淡閉門盼斷東風春不到淡煙
寒雨度黃昏

顧家樹

字介卿會稽人

家傳略介卿五六歲能辨四聲稍長卽爲聲偶之詞以
性格孤僻獨潔簡傲故字之曰介聞譚忠孝事依依不
忍舍去年僅十七惜哉

懷鏡湖舊居

鄉心擬共白雲遊一曲湖光遶綺樓
菱菱池塘新漲碧梧桐
庭院晚風秋澹煙流水
空吹笛初日平江好放舟
萬壑千巖歸未得憑將景物畫中收

壬戌季夏書事

聞道銅龍夜不扁甘泉烽火亂春星
蠶叢早已屯繇竹鳥道偏教出井陘
白骨遠明秦嶺雪赤眉狂煽漢宮腥
書生一掬憂時淚獨把孫吳講地形

傅鼎乾

字梅卿蕭山歲貢箸湖陰小築吟草東園唱和集畫橋外史口頭吟梅石老人雜藝等集

題會稽王孝子遺詩

青山長其姓名存夙慧從來有夙根
淒絕月湖湖畔月清光終古照詩魂

孫篤祐

字瘦生諸暨諸生箸瘦青樓稿

郭肇序略瘦生性忼直多才好學每縱論古今得失嫺嫺不休有終軍請纆之志故其詩率豪宕激楚有邊塞聲晚歲勗修學校醲資巨萬絲粟不妄費皆瘦生力也

秋夜過勉如太史聞風雨聲卽景次韻

天與散牢騷風來萬樹號鄉心隨漏遠詩骨入秋高絮別無長笛論交託寶刀有人苦行役應復念同袍

孫

聚一名樵號香亭諸暨諸生

久雨

連日溟濛雨窗前積氣昏閒鷗時入戶遠水不分邨壞壁蛸留迹寒蕪屐箸痕晚來無一事鐙火話柴門

朱

銘號宓齋餘姚歲貢官餘杭訓導箸餘姚偶吟紳

施繼常曰君品高學粹鄉先輩皆稱道之詩不多作然思清味淡有足錄者

中秋日學舍卽事到官已旬日矣

桂子流香豔素秋官閒無事且優游暫來第一詢風物士習
馴良似舊不

趙廣颺

字少稼上虞廩生箸學吟草

陶潛宣曰君受業于陳先生景祺之門予友陳編修夢麟先生之長君常言君才惜早粹今訪得少作一卷識論俱卓長于七律使天假之年所造詎可幾耶

讀史雜感十二首

錄六

劇憐黃土女媧搏人海翻成既倒瀾清水有珠含垢盡破山
無劒採珍難三春鳥已新腔度百歲蠅甘故紙鑽倘有淮南
仙境在定隨雞犬侍劉安

紛紛世運換龍蛇幾許功名蕝國華絕倒相公調蟋蟀怕聞
天子問蝦蟆寶湮顯慶車猶煥塵污元規扇漫遮底事夢看
銅柱轉三公就罷望偏奢

感慨鷦鷯寄一枝搏風何日到天池續成江總修心賦誦罷
張華勵志詩帝把文章諮狗監人嫌家世屬牛醫濫竽處士
知多少安得齊廷一一吹

一領荷衣楚客新蛾眉謠諼最愁人門殊六慎難消禍亭號
三休且避身赤幟待看新將略黃巾知拜舊經神琵琶試向
清池奏定有蕤賓躍水瀕

故里黃冠汗漫游任他呼馬與呼牛心心印合參同契脈脈
書通考異郵餘子未嘗忘故步此身原本類虛舟興來獨飲
新豐邸火色何人識馬周

書堂何必兆三鱣槐市春風半裊煙大塊文章仍我假中年
哀樂有誰憐神游虛室能生白身在名亭自草元怪底深情
難遣處空桑三宿也留緣

牟旭光

字則顏黃巖陳生著梧臺詩草

浙江忠義錄旭光有文名殉辛酉之難

卹贈雲騎尉世職

田家

卜居及仁里一住不記年中有太古民所樂惟畋田旣免飢
寒累更無塵俗牽有酒不獨醉有衣亦共穿通力事西疇成
熟無後先不能學擊壤且復任自然披衣曝簷日倚樹聽流
泉會心非在遠觸處皆忘筌但識耕耘樂誰知避世賢

書憤

我

皇英武振神威六月征車下

帝畿驕帥安能服鞍馬小民猶自望旌旂伏波聚米謀何在
道濟量沙事已非太息豺狼當道臥懷忠無路叩

天扉

陳元穎

字天逸號栗園義
烏人官貴州縣丞

諸將

并序

辛酉四月逸賊由江右入境可殲也乃隴西旣坐視
不擊清河反爲賊先驅致三日中連陷龍游湯谿金
華及聞文帥奉檄勦之決爲去計文遷延不前賊得
乘閒引大隊潰義烏圍浦江江顧婺城賊守猶虛予偵
得之請潛師襲婺而斷浦江之援婺可必克鎮將吳
騷其言未卽行會饒師來解浦江圍敗績於白馬橋
全省瓦解喋血數年灌莽千里天命耶人事耶耳目
所及紀之以詩王中丞有治劇材而短于兵事又與
張李不治貽誤事機卒至力竭以身殉故並及之

桀帥來江左張遼擅重名全師徵遠道一闕失雄城苦事鈔
民物甘心助寇兵赤眉纔數百忍今日縱橫張帥先已來黎復徵兵於蘭谿
十九日適抵黎草草一戰即北
走入城肆掠而去賊遂入黎

克復期專閭長驅憚合圍遷延成賊勢畏蕙失戎機狼虎干
羣集蟲沙一戰揮巧遲輸拙速流毒遍封圻

處處徵丁壯村村議土團談兵紙上易築室道謀難未覩勳
庸集空令井里殘歸田甘病廢枉作重臣看在籍總戎余君督辦團練聲勢

甚壯賊至無一持械至者賊遂先焚其里

潰兵方再集寇退復旋師但解輕爲遁何曾重可持交鋒無
格鬪奔命轉傷夷他日嗟東市聲名久已墮

賊窟空無守兵機利擣虛乘闖一掃蕩掠野自芟鋤觀壁龍
蛇鬪環營燕雀居悠悠悲越絕孤憤欲成書

重圍需壯拯掃境屬元戎一戰全軍潰連城大局空虛聲誤
殷浩失律挫虜公白馬橋頭水潺湲恨不窮
憂勤支敗局節烈殉封疆不任專征責徒爲散地防養威攜
眾鎮籌策誤多方兩浙淪奇禍英靈訴九閭

抵韶州

一一來時路行行不是歸關山如昨日風景倏秋暉江水東
西合窮途去住非夜鳥無意緒三市竟何依

劉履芬

字彥清號泖生江山人官江蘇嘉定知縣著古紅樓閣遺集五卷溫夢詞一卷

許應錄序略彥清爲名父之子余讀其文淵雅雄厚喜謂之曰君豈洪北江後身耶對曰余讀其文淵雅雄厚喜得誠趨步洪先生爲階梯以深幸余之知己也相見逾月暴卒余聞其子幼家貧屬湖口高百足哀錄遺稿出資刻之以永其傳

觀乾嘉詩壇點將錄墨本卽題餅水齋詩集後

乾嘉老手推歸愚簡齋稍後詩亦殊當時壇坫孰稱盛終南

山館老詩書

錄內首數此三集

詩格前人都未倡譽固分明久且謗

鐵雲居士輔以奇武庫森然出兵仗墨本濡染何淋漓能手

一一歸品題餘支分行蝗蝻錄再世應鑄黨籍碑意所不可

唯有酒任是廊廟或林藪生才例作平等觀自問雌黃亦何

有即今傳世仍寥寥風華一瞥成煙消平生死忠大節立詞

章末技寒蟲號絕句論詩昔所讀

國初諸老推詳熟等是金鍼度世心可憐俗眼紛紛肉

鐵雲論詩

二十八首

集內未刊磨毛牛角但取真掩書都已作陳人定知網外珊

瑚在要借瞿曇為證盟

末以黃面佛配彭尺木

歲晚述懷

吾無應物材涉世誠大難靜默欲養心觸事多憂患讀書不

致用焉貴抱叢殘愧此編氓徒力食供晨餐貧賤未爲辱親
密未知歡芬馨湘南草詎若庭戶蘭俯思勵至行束帶憐朝
寒

葛嶺

老壑園林草不分木棉煙雨等紛紛六更將轉蝦蟆點十隊
閒翻蟋蟀軍柴市悲涼臣晚出蘭亭嗚咽水愁聞東征姬旦
傳虛語商冷裏樊舊建勳

韞齊夫子遺詩十八卷錄成題後

病中訣別一句寬憶舊空懷杯酒歡梅樹已枯生日伴藜牀
永慟昔時安圓通弟子爭傳鉢忍死文章定蓋棺似我才名
媿備作詩堂風雪肯頻看

方言晚遇勝前迹豈料壬年已歎春爾後更無徵夢地再來

應記姓劉人詩心一榻空明影禪識單繁過去身除此更誰知夙世鈍根祇悔鏡生塵

先生夢是劉貢父後身余爲圖徵題詠

題齋壁

謀生空鍊藥作賦擬居郊長日鎮無寐中年論絕交雨昏魚失隊風急鳥嘯巢忽憶平生志牀頭臥瘦蛟

寄陳曼壽

短榻移鐙客夢疑蕭蕭殘竹月明時未愁僻地鉏茅始頗悔攜樽就鞠遲人外孤鴻無靜境酒邊雙燕有春癡近來祇合關門住臥誦江湖聽雨詩

不鳴不躍褚季雅一壑一邱謝幼輿減寢婦還謀薄醉能文天且許閒居屬逢秋襖輕帆後忍寄離懷短燭初知道秀州征雁過偏儂靳附入行書

呈戴松琴夫人

令儀

謝題莎廳課經圖冊

政事文章廿載名前堂無復老門生藏來手澤渾如舊爾許
頭顱漸不平作客已傷門祚落遺民能記縣官清茫然四海
誰現逖愁聽荒雞夜半聲

冬讀齋中記拂衣

月生姻丈所居

鱗鯢門畔話歔歔劇憐骨冷名常

大自是愁多語轉稀載酒黃壚今一哭傳經絳幔我須歸冥
鴻天遠嘯鳥急三市脩脩繞樹飛

都門客思

結想煙波采白蘋開簾靜對月如銀模餽雲樹三千里抖擻
衣裳十丈塵處世正非貧可了還家只盼夢能眞曹司事簡
朋儔隔自起烹茶析澗薪

吳仲宣漕帥以喜雪詩見示因呈

今歲重九晴涉冬苦旱燥坐恐麥英焦噉飯常不飽我公念
民瘼精爽格蒼昊鑪煙結不散已作玉龍繞打窗聲璀璨襲
幕光皓皓折竹偃階楹縮鷺拳池沼疾痛咸就蘇豈獨美梁
稻方今巨欸殲時勦辦苗沛萬戶蒙再造更獲大有年芻秣
豐輿阜江左僅一隅就食紛稚老流離無家歸託迹類窮鳥
年穀今歉收設想那可道仰荷天心慈界此不訾寶春花蓋
絮被五字用與民作襁褓吏治返循良黎子登壽考拳拳一
篇詩已足徵惠保褰簾雪未休中釋憂心悄願效力田農持
作籌車禱

夏夜有懷

愛靜復愛閒涼適昨宵雨疏螢竹間流洗此池上暑芟荷三
五花香冷悄無語爲問遠道書煙外數聲蟬

德安道中

匡廬行已盡山色望中微
水淺荷花弱田高芋葉肥
數聲聞喚渡幾步曳斜暉
莫畏緇塵泥浮嵐尙滿衣

苦雨

六月渾忘暑欲闌蕭蕭陣
雨夜窗寒魚鰕供市都增味
珠桂登廚擬廢餐只報江潮沿戶入
生愁佛力補天難干戈已息頻年稔撫卹端宜賴長官

會潘磨生

關風苦雨積莓苔兼喜湖山綠
酒杯握手花叢人漸老論心水會我
重來頻年離緒桓三弄徧地征塵杜八哀
短後監儻落臙馬公言龕亂正須材

不學吹簫市上行何知剗劍滯南征
破垣竹似迎人笑獨樹

鴉還向晚爭墨點浪翻天外影明玕愁折雨中聲皋橋賃廡
渾閒事此境棲棲媿半生

王孝廉

炳

臧印三一白文曰文文山一朱文曰希古紐

端朱文曰方側識正學先生印後學宋攀臧一白文
曰闕下完人側識石齋夫子印東吳顧苓作印皆牙
質篆刻不甚異人要不能置所可尙肩肩校議也孝
廉經亂得之遠族徵予作歌

忠臣身以名不亾以名重印輕琥璜三印象鏤爛錦裝厥寶
者誰烏衣王聚自建業流吳閬家珍脫手還青箱精廬一夕
騰虎光英魄儵見文光黃吁嗟乎玉帶生薤鮫蜃鄉金篆閉
死連平燭正學之廬荆棘荒麻衣血字照殿堂孝經日寫肘
銀鐙縑素零落春沽坊印不刊敝鐵畫彊廉棲可摩毋敢傷

懷然骨聳森臣綱希古完人今未僵正氣行世何低昂子繁
三組神護將大難保此馨蒸嘗三公爲忠子爲良有豔不歆
摹永昌

題梭伽山民臨文惠山品泉圖

二百年中猿鶴劫暮雨蕭蕭飄墜葉聽松踏破古時春一角
青峰銜齟堦

荒亭留障龍漢天醯雞舞甕全乎全闌干朽石堪重倚惆悵
前游第二泉

瞿忠宣公遺像

澌水寒雲慘虞淵落日沈秋風遶鶴語夜月蜀鵲吟癰瘁尊
遺貌艱難耿夙心祇應填海苦終古屬冤禽
室毀藩甯固兵殘將轉驕不成朝玉馬空自珥金貂門戶中

樞沸宮廷北望遙四年臣力竭洱海又飄蕭

賴有南冠侶同心道不孤相期完大節肯復惜微軀海上師

燐覆湘中氣鬱紆船山殘紀作英燄日星俱

文孫能繼述養志樂邱樊家有相公笏人傳處士村劫灰新

桂管香火古煤根墨澤仍騷些中招絕域魂

光緒丙子日本竹添漸卿遊蜀得詩一卷號棧雲峽雨

詩鈔越歲丁丑袖詣吳門卽題一律并送歸國

蜀中山水窟之子一登臨天地供鑱刻冰霜變古今濃青春

覆枕虛白夜絃琴東海奇蹤在蕭蕭寄遠音

劉觀藻

字玉叔履芬弟江山人著紫藤花館詞

旅窗懷舊詩一夢無端墜脊令圖中耕釣亂山青乃翁
大有文章在好喚孤兒說與聽自注公弟玉叔於庚申
秋間避亂硤石抱病以娛平生所作
零落殆盡今檢篋中尙存五律二首

孫德祖曰王叔長于詞詩不多作詩餘則其兄彥清已刻附懷舊詩後寶山蔣劍人稱其有白石之清空玉田之諧婉草窗之淒涼日湖之深穩仁和譚仲修亦許爲清真婉約自是本色詞人惜不永其年也

偶成

春至百花放春深萬物生
嗟余悲老大作事竟無成
蟾窟渺何處駒光已屢更
輸他田父樂飽飯話冬晴

卽景

朔風起天末遠客正思家
遙想山深處寒梅已著花
籠煙香不散鬪雪色尤賒
飛夢羅浮去高枝竹外斜

胡維勳

字常銘號放仙樂清諸生著石帆詩鈔

吳永佑序略放仙志氣宏放倜儻不羈博覽羣書作爲文章如游龍活虎不可捉縛尤長於詩類多俶詭踔厲自抒性靈不屑卑近

誌所見

雲物太無因斯須成翻覆偶然膚寸生倏爾千里逐乘時被
日華燦若羅與縠六風瞬息來飄零失初服
鴻雁橫天表乘風恣所歸去春向北還秋來又南飛蹤迹無
羈絆從心不相違一爲稻梁謀難免弋者機

應道觀

傑閣飛樓邈迤開擬分官府小蓬萊旃幢蔽日爐香靜貝樹
迎風鶴翻回中夜靈旂朝嶽瀆上清寶簡冊雲雷不知徵廟
垂弓劒七百年來幾劫灰

嚴子陵先生祠

迢遞青山接釣臺片帆新自富春來淡煙千樹鳥相語流水
一溪花正開青史竟容漁父占漢庭曾放客星回把竿借問
滄波叟何許中興國士才

吳昌祺

原名慶祺字仲禽餘杭人咸豐辛酉拔貢官戶部雲南司主事

偶憶故鄉兼懷徐星六

偶步柴門外松風一徑涼鄉心秋雁渺別路暮雲長籬菊詩人夢蓴鱸水國香與君復遙隔明月鎮相望

留別北山諸友

客來不知久落葉又驚秋碧水相迎送白雲任去留感恩懷往事話別起新愁風雨離亭路蟲聲衰草啾

至赤石詣雷院寺訪王少愚

溪行日已暮柳絮拂征衣門叩禪關寂客來村市稀月明人語靜風輕磬聲微於此復相見還疑夢也非

嚴

鈞

字迪周桐鄉人咸豐辛酉拔貢官廣西左州知州

許仁杰曰君少負才名與其兄錦有二宋之目吳少宰存義試中中以鴛鴦湖權歌命題君有句云怪底鴛鴦

兩浙輜軒續錄

卷四十六

吳昌祺嚴鈔張翊儒

无

又又

飛不返湖邊猶有戰場花又云生涯祇合謀菱茨多少東南未種田少宰亟賞之

夜宿馱樸驛

古木成村石闢田老農埽屋勸停鞭分明舊日長安道豚棚牛宮對僕眠

夢回殘月墮聰明夜氣荒荒斷戍更真箇深山忘歲月秋蟲春鳥一時鳴

晚眺

布帆穩挂晚風和極目遙空足嘯歌出水沙高開蟹穴受篙石久變蜂窠日橫遠嶺紅疑燒春到荒江綠漸波知有漁人未歸去碧天無際櫓聲多

張翊儒

字閣卿號麟洲慈谿人咸豐辛酉拔貢官湖北知縣著見山樓詩草八卷

釣臺懷古

萬古清流此灘水先生祠宇尙江村飄零眷屬神仙貴終始
交情帝子尊山水有心成獨往江湖無夢到重閣釣臺自是
劉家土大澤披裘亦主恩

送遠曲

諧談未已驪歌起送君一別幾千里主人把酒客不辭雲在
船頭月在尾舟子無情促就路孤帆一片渺何處楊柳依依
喚不回落花冉冉人歸去

秋夜江樓

遙天一片月流影落高樓海近星河潤江深枕簟秋笛音驚
宿雁鄉思託牽牛明日買舟去故山叢桂留

義士辭

并序

十月二十六日賊陷慈谿人皆走長姑夫林世榮挈

婦子趨城北鄧舉賊猝至乃短衣持挺呼鄉人共禦賊十餘賊遁越日又大至復與鬪轉戰數里賊焚鄧舉鄉人潰遂受創死賊退父命收骸骨殮之作此以誌義

黑雲莽莽低壓城城頭烏鵲噤不鳴黃狸跳梁白狐人立蕭蕭野骨悲風四塞

解一

守城者誰倉皇一去不復迴居城者誰

東西南北家難歸

解二

朝出暮入焚掠四野草木不青邱陵爲

赭

解三

公何人斯不受國士知奮挺大呼鄉人多從之殺賊灑

漉血染髭虎負隅豕紛馳山頭蔓草凝膏脂

解四

明日賊又來

村居爍爍飛紅埃裹創復戰鼓絕力衰僵臥沙磧血漬苔左

手握刀刀鋒摧紫稜閃閃眸怒開

解五

風淒日慘天無光妻子

慟哭村路旁桐棺藁葬荒山荒

解六

生爲人傑死鬼雄草莽之

臣君恩同憤不顧身成孤忠千秋萬禩垂無窮

七解

伍員廟

胥山落木晚蕭蕭相國祠堂久寂寥
畫壁龍蛇森佩劍沿門兒女學吹簫
蛾眉謠諼生前恨白馬英靈死後潮
一卷離騷低首誦忠魂先爲楚臣招

胡禮謙

號益堂會稽人咸豐辛酉拔貢官蘭谿訓導署漱霞山客吟艸

瀚州衙齋書感

雲龍上下未容期老我天涯筆一枝
海闊幾人鯨跋浪春來又見燕差池
貧原非病須安命事有難言且學癡
差喜神山塵不到好憑尊酒遣芳時

朱亢宗

字紫笙仙居人咸豐辛酉拔貢候選通判署香雪山房詩集

家傳略紫笙年十九府縣試皆冠軍性孤寂以氣節自勵嘗以能詩與孫琴西慎鍾林諸老結詩社朝夕唱和

肩輿自硤溪入黃巖界終日行萬山中與雲出沒從者
或對面相失詩以狀之

前車與雲迎雲欲推之出後車辭雲去雲欲捲之入是山是
雲都不分人來踏雲雲觸石有時矗立欲互霄怪峰如人駮
起立有時向背作低昂對面包山忽相失忽然長風掃雲去
山氣浮青雲捲白千峰萬峰并一峰雲復埋山山露脊風力
居然并翦快刮盡皮毛出山骨須臾入境判鴻濛咫尺天光
開鬱喬君不見太山太行名久垂車屐欲往遠難必萬山深
處我久居此境卻從今朝得

自烏石嶺舍舟行數里至海旁晚入海山閒日漸暝望
海波浩浩海山蒼蒼坐橋頭待從者時聞怪聲夜入
大芙蓉小芙蓉

江行餘十里江盡乃舍舟舟人指示我此是烏石之嶺頭此地山低亦名嶺此閒冬盡尙如秋但覺天到寥闊處斜陽遠照俱空幽須臾至海旁天風吹人來颼颼一白無際不可留天空木落斜陽駛返照入林林色紫前行不知幾千里海山蒼蒼迎而起迤邐蛇行山谷裏山回路斷架危橋耳邊彷彿聞江濤亦有懸嵯縛茆屋亦有古寺顏山腰我欲就此度清宵燈光影裏無人招

顛崖詰曲流水遄窮林漸陰風聲急絕壑連雲乍明滅怪石如人相對立忽然山燒連遠山遠光照入青林閒昧晦閭漠中微辨觀音巖

高巖陡落逕路低海波斜匯成山谿谿流斷處山田闊一橋天半橫虹霓從人前後互相失月光照路驚烹微波潮衝斥

盡成鹵無人不道海濱苦何年築堤界中外滄海桑田變如
許

巨浪不必驚乘風長堤壁立當其衝開山鑿險自何人人力
所到天無功天幽幽風漠漠凝眸堤外何寥闊嵯下孤雲白
似我同飄泊呼聲未罷風聲作隔山從人遙相諾幽嵯時時
怪聲發非鬼非禽究何物驚起山禽飛磔磔窮嵯茫昧有如
此不識山上清幽更何若吾生真好奇萬里一芒屨萬象直
窮混沌初雙屨欲遍海天角一霎遊行少達觀千言箸作真
堪噓

坡平山店接屋小人語雜此是芙蓉村三兩人家互迎合巹
醜村夫覺嫵媚聞言啟戶解延納爲我燂湯暖胸臆爲我南
窗對懸榻持杯再敲詩解衣燃紅蠟村翁大笑爾何苦殘年

山中來騰踏不見前村沽屠蘇我已安排將餞臘

天一閣

我纔釋芒屨乘興登此閣萬卷集圖書風流尙如昨上有萬
琳瑯下有千琅玕小亭足看書繞亭池影寒花木極瀟灑位
置儼山野此是大娜嬛共說小司馬

臨海王郁蘭女史嫠居三十年以授徒自給其子某介
予姪以詩稿見示題一詩還之

卅載嫠居最寂寥千篇高詠自清豪傳經便是伏生女補史
還如曹氏昭婦節能教男請業文家反藉武承祧其子得披
沙揀得金如許儲作吾家副本鈔

題王子莊柔橋隱居圖

一幅隱居圖有圖安可隱先生澹蕩人茲意託孤憤憶昔丁

亂離華屋若朝權晨興棲鸞鳳暮景聚蛇蚓存亡一彈指痛
定那可忍故居已叢棘世事戒來軫柔橋得嘉名老氏道惟
牝兒童何紛紛賢愚共泯泯聊從野人獻敢謂夫子哂

沈貞婦

婦王氏蕭山人臨
海學博沈勛齋妻

清風嶺上王貞女一死經今五百年女也死於賊其事至今
傳廟祀隆隆首冠越山川只恨鐵坼詠後無佳篇天荒地老
異人出越人又道貞婦王氏賢歲在咸豐辛酉秋九月紅巾
百萬驚蕭然蕭然官吏走且顛王氏挈老媪無奈郎君遠宦
海東偏風鶴不相聞烽火嗟連天轉瞬四鄰飛炎煙王氏麾
老媪汝去勿留連我爲命婦正命死肯與若輩同瓦全賊人
驚相顧云何沈家火中開出九朵蓮貞魂夜渡曹娥廟恰與
清風王氏同聯翩沈君聞之涕泗漣客窗爲我述邀我譜哀

絃君語未終鼻已酸恨無鐵崕筆闌幽慰九泉起拍闌干望東海海深無底安得精衛填

張應煦

字筠仙號小岷永嘉人咸豐辛酉拔貢第夢香詩鈔

寄蔡小琴

江南有奇樹綠葉發瓊蕤翩翩雨黃鳥睨睨長不離秋風動關塞飢來遠故枝飛鳴求其曹音響一何悲美人渺天末夙昔夢見之樊籠困六翮感此良淒其安得晨風翼訴我長相思

浮雲鮮定蹤我生倦行役屈指四海交惟君稱莫逆所居異鄉縣一江通咫尺豪吟同飛箋勝賞每蠟屐奈何五載閒聚日不盈百去日已如此來日空自惜所愧狂生狂誠負益友益身外酒杯寬眼中天地窄痛哉秉燭游古人亦下策

君昨赴燕雲而我守敝廬我今客瓊海君歸賦里居萍蹤若
相左所恃尺一書尺書久不至寸腸鬱不舒商飈動林木彈
指一載餘翩翩梁上燕茫茫隙中駒江潮早晚來或有雙鯉
魚

王士鈞

字蘊生雲和人咸豐辛酉拔貢著讀香樓吟草

秋聲

避炎坐小樓不知秋入戶長風颯然至疑是空山雨徙倚碧
窗前皎日淨天宇蕭蕭從西來木葉戰庭廡朱夏習幾時涼
風喧老圃砧杵助清吟離懷渺何許

許等身

字述之號康甫乃烈子錢塘貢生兩淮候補運判著薇雲吟稿

味經軒前秋海棠

湖山毓蒼秀中有講舍開其旁敝軒宇藝圃含根蔕臨階一

以眺秋色從西來疎花娟幽姿枝柯互縈迴葉簌綠雲繖萼
破紅霞堆斜陽暈垣砌宿雨黏莓苔託根旣得地靈氣孕胚
胎江花與潘藻多士咸趨陪矧邀松柏蔭願效桃李材味得
味外味經畚同滋培

王朝榮

字獲園錢塘諸生候選訓導

旨卹

杭郡詩三輯獲園爲戴文節甥庚申之劫文節辦城守
關練城陷聞文節投池死巷戰陣亡奉

附祀文節祠

雙忠硯歌

并序

玉帶生硯爲文信國舊物晉州司馬楊雲黿瀛仙得
之乃重見於世今司馬又殉難州署雙忠炳烈硯若
爲緣歌以悼之

冬青彫盡文山裂一片堅材墮黿窟尙留活眼向人閒脫劫

依人到怡悅

仙所居曰自怡悅

怡悅主人真英多聘將六萬重摩挲

行臺涕泣勤王檄土室琅璫正氣歌當年眼見惟生在滴盡

蟾蜍質不磨提攜重過燕雲市石壽逾人換人世何處琴招

汪水雲何年詞疊王清惠可堪身世已滄桑復見煙塵亂朔

方招兵又走陳丞相守保孤懸舊六郎洪波一片衝關易贖

有儒生料兵事墨氣翻枯陣上雲青花淬禿囊中刺自慚一

品鈍頑姿只解臨危殉所知絕無天賜生還望

汪元量有慣天賜視

草孤城絕命詞且休妨主來奇詬鐵骨磋磨十年久君不見

衙齋喋血時走盡知交惟石友吁嗟乎常山舌睢陽齒石不

能言心亦死五百年前兩劫身憑生作證汗青史

莫如海

字子粵惜芳子錢塘諸生

楊振鐸曰子粵母氏吳通書史熟習古忠烈傳目課子
髫齡感知大義賦歸奉為女師君性直諒尚氣節以親

老家居授徒爲養庚申之
難父自經君偕母仰藥宛

書懷

奉母不求祿讀書非媚人一花自然秀萬物正同春峭直難
爲偶孤寒豈易伸隨方容尺蠖無以謝朋親

胡學綸

字陸言錢塘諸生

杭郡詩三輯陸言少孤隨其祖秋白於嘉興縣廨
性行純謹尤工詞章庚申城陷殉難附祀昭忠祠

秋聲

天邊雁陣又驚寒著體羅衣漸怯單穿竹晚風如鼓吹洗桐
疏雨入闌干詞人縱酒年華暮歲序驚心世路難唧唧候蟲
如有訴五更殘月更誰看

拔劍

拔劍倚崆峒長歌傲朔風丈夫不得志千古若爲雄

朝宇憂勞極閭閻轉徙空

王師在前路未可歎飛蓬

吳敬襄

字惠齋仁和貢生官中書科中書著苑廬詩存稟

夏夜坐池上

池上翫涼月飛星畫碧天幽懷淨若水芳氣渺如煙散坐不
巾襪高歌無管絃流螢避風急斜舞傍樽前

陳祖延

字季鴻修可孫仁和諸生

高均儒曰季鴻承遠村先生家學與曹曹村遊學日進
嘗客袁浦風船霜岸嘯歌不較羅君以智刊應潛齋遺
集季鴻校讐之力爲多

過竹竿巷天香齋故址

竹馬鳩車事已陳華堂倏忽化荆榛竹竿籊籊誰青眼遑聞

當時舊主人

宅於道光壬寅六月
燬今已歲星周矣

敢誇小粉舊官場先業空慙肯構堂桂子三秋無路折一般

雲外散天香

天香齋杭粉名海內今業已廢余則年年康了傷哉

巷裏芳鄰七桂誇敦槃杭厲鬪詞華相公池館猶灰燼何況

尋常百姓家

梁文莊舊第同時遭燬先曾祖遠村公曾與杭厲諸公賦詩梁氏七桂廳

高德麟

字友蘇仁和籍山陰諸生著巢雲閣自娛草

喜驥才弟歸

與子數月別我懷無盡時不圖今日見尙作夢中疑風雪知

何處池塘可有詩無言一握手猶自說相思

蔡綸書

字緯卿振武子仁和人廣東候補知縣嘗天風環佩山房詩草

盛起曰蔡氏三世翰苑緯卿以登錄得官非其志也然能修復宗祠置祀產敦本睦族時論重之

題譚荔仙夢游衡嶽圖

胸鬱奇氣如盤龍回翔八極游鴻濛精神飄忽起遐想夢中

直上七十二朵青芙蓉扶桑帝君拍手笑授君金繩玉板蒼
瓊丹籙參元宗手扶綠玉杖腳踏蕊珠宮騰身一躍三千丈
天門詖蕩開蒼穹俯視滄溟一杯勺回看下界紛螳蠡振衣
狂嘯岫嶺頂碧霞宮殿盤嶢嶢扶桑帝君笑相詰茲游信樂
何憂沖一生能著幾兩屐九州空負雙枝筇何事遨遊嘆萍
梗頻年客鬢飛霜蓬先生聞言肅下拜長空颯颯來天風天
雞亂催客窗曉倚枕頓覺煙雲空披衣起視月華白興酣落
筆如長虹我非衡山巖下少年客也學諸公題句紀君縹緲
之游蹤

憶弟

憶弟不成寐披衣獨啟扉風狂星欲墜雲湧月如飛鐵馬聲
偏急銀缸影漸微無聊還就枕魂夢或相依

許誦康

字寬南海甯諸生

居育馨曰寬甫秉性愿慤少有文名咸豐庚申長安鎮被寇寬甫室廬蕩然憂憤而卒

題湯貞愍公絕命詩後即用元韻

盡撤沿江戍庸才儼事秋包羞輕一走安坐閉羈謀祇動孤臣憤誰能末路收將軍忠義裔肯使祖宗尤

浦鴻鈞

字石安嘉善諸生著梅里吟稿

錢賓青序略石安性平和而雅喜吟詩與其兄聯牀賭韻極天倫之樂事咸豐庚申以團練殉難

贈卹如

例

子夜冬歌

雨雪征途惡風霜客路多遠行君自慣無奈妾愁何
窗外一枝梅花開白如雪梅花信已來君歸渺消息

顧宗歐

字六泉海鹽人

兩浙輶軒續錄

卷四十六

許誦康 浦鴻鈞 顧宗歐 黃鑒

三

崔以學曰六泉孝親好學爲市肆司會計節齋
曠直刻其先人詩稿閱十年竟成之人以爲難

喜晴和韻

溼雲歸遠岫暖氣盪新晴花暈淡無語泉流微有聲柳含青
欲滴草長綠初平忽聽縣蠻鳥呼人出郭行

同人作消寒會曹子藍甫詩先成卽次其韻

風雪連朝歲又闌同儕雅集覓餘懽勞生似燕飛無定世事
如棋聚最難交久渾忘賓主禮談深不惜酒杯寬今宵共翦
西窗燭試味元規蔬一盤

黃錫蕃

字椒升海鹽人
著海上竹枝詞

縣志錫蕃精鑒賞工八分少饒於貴購求金石文字日
事參考家落以布政司都事需次福建上游器重之署
上杭縣典史辭疾歸日坐小樓從事丹鉛好古之
士咸就質焉閒與鄉老爲詩酒之會著有金石攷
海上竹枝詞

茶磨峰高幾度攀黃門舊宅白雲開落星石畔千尋壁知是

天南第一山

明許黃門相卿舊宅在茶磨山麓後石壁上刻天南第一山五字相傳爲明夏相國書落星石

在右壁下

寢忠疊遇寵恩加鐵彈流傳東海家欲訪可經堂舊址年年

衰草送寒鴉

明徐忠烈公祠在西門外二里國朝賜諡節而死其彈至今藏於家可經堂

爲公故居在城中西南隅今毀

藍田浦外水長流思魯橋邊古木秋沿海潮平功德在滿城

風雨話魚頭

宋咸平中知海鹽縣魯宗道濬藍田浦通海入河以洩潮勢俗謂功德水在縣南六里後爲參

政有骨鯁人目爲魚頭參政立祠城中思魯橋在祠傍

蘭若雙峰入畫圖鷗鷺湖過又橫湖逋翁遺蹟橫山下舊讀

書臺今在無

唐顧況憶橫山故居有句云家住雙峰蘭若邊鷗鷺湖俗稱黃道湖在縣西南四十里橫湖俗

稱莊柴湖在縣西三十里舊有顧況讀書臺

微微白日竟無光海上孤忠吳太常曾夢文山好詩句浪萍

風絮劇淒涼

明吳貞肅公諱麟徵天啟壬戌進士官太常公未第時嘗夢一人吟文信國零丁洋詩山河破

碎風飄絮身世浮沈浪打萍二人語崇禎甲申李自成陷京師殉節諡忠節國朝賜諡貞肅

六橋彷彿臥游圖水調漁歌興不孤更好中秋明月夜扁舟

來泛小西湖

激浦志湖上四面皆山中閒小隄號爲小西湖徐泰秋夜望月詩彷彿錢塘六橋夜至今人說

州小杭

胡慶增

字繼楣石門諸生

孫德祖曰余前得殘藁于故書中有身成秋後變心似定中僧句未署慶增詩筆類此疑君作也

病起

桑榆無計駐年華草草光陰赴壑蛇莫笑盈頭添白髮尙留

老眼看黃花

胡廷楨

號廉夫平湖諸生箸惜花詞館詩草

早秋野步

一雨洗殘暑林皋生夕涼秋光知已到野興與之長天際初來雁雛根昨語蟹村老若相識隨我渡陂塘

山鳳輝

字竹齋平湖人著餘生草

柯培鼎序略山丈自號白衣山人行誼卓然不慕榮利所居自諱筒茶庵外別無長物故其爲詩託情沖淡摘詞雅潔中間感歲華之荏苒念人事之變遷隨遇所得一著於篇

秋暮重遊張園

木葉下寒流重來此地游不知雙鬢老又是一年秋壽客仍無恙柴桑尙可留澹然坐相對忘卻許多愁

閒居

鹿眼疎疎護敗牆風吹百草滿園香庭花早晚自開落野竹參差隨短長畢竟讀書還是福可知卻老總無方鄰翁昨報

新醪熟幾度來邀醉草堂

送別

悠悠出門去所嗟道路長渺渺隔千里東西如參商今宵呼
斗酒共此燈燭光不是惜分手佳人不能忘歸鳥戀舊枝錦
衣思故鄉明朝隔煙樹涕泗沾衣裳

陸修潔

字子廉號筱坡平湖人著賢文堂遺稿

縣志修潔工詩文善鐵筆畫山水師石谷子亦能花卉家藏有陸清獻墨蹟因名其堂曰寶文以誌仰止

冬夜紀事宿敏古堂作

咸豐十年世態殊冬十二月尤艱虞深林月落夜昏黑鱗鱗
屋瓦霜花飄風吹燈火耿虛牖肌如粟粒冰在鬚俄聞四野
惡聲起東鄰西舍相喧呼鳴鉦擊柝集丁壯黃狐跳跟追赤
狐有時入室肆吞攫戶無大小皆空虛重者幣帛兼金珠細

及鵝鴨牛羊豬昔聞盜賊隱萑蒲於今盜賊滿路隅安得壯士攜兵符天荆地棘都剪除

曉渡西泖

殘夢落遙浦篷窗曙色分風花團作絮水氣盪成雲吳越連荒旱荆襄尙寇氛扁舟幸無恙閒與鷺鷥羣

包虎臣

字子莊歸安諸生著學劍樓詩二卷題畫詩一卷

孫德祖曰包氏舊藏宋元人名蹟數百帙子莊嗜之甚篤搜羅秦漢晉唐石刻尤富遂精書法兼擅山水宗北苑並爲時所稱

旅思

獨客生秋感明輝上海東鄉關千里瘴簷鐸五更風涼露清于水微雲遠在空飛螢自相照孤緒有誰同

黃爾法

字逸亭歸安人善春星草堂集

柳隱叢譚逸亭少聰穎作文下筆立就以父命棄帖括理家政而吟事不廢中年有兩弟佐其勞得恣意游覽凡秦淮鍾阜鄧尉洞庭會稽武林所之輒有題詠

重游塔院

丈室惟聞薝蔔香到來消受北窗涼十年雲壑碧梧老三月
禪關清晝長出定有僧同粥飯浪游憐我倦津梁空門不乏
蕭閒地一落塵寰便渺茫

徐本璿

字仙霞德清諸生署安徽池州知府著安雅堂詩存

陸心源傳略仙霞少好學尤喜爲詩入貲爲通判累功擢知府晉道員詩學元白雖戎馬倥傯手不釋卷

高烈女詩

有序

女名貞娥字婉姬銅山高作霖女也事親孝親病禱
天請代輒應年十七歸郝鴻興克盡婦道人無閒言
鴻興生母某氏有所私在室女見之氏戒勿洩且曰

能同我必厚汝且使翁姑及夫愛汝倍他日女默然
歸省父母寐而曰不幸至此有死而已父母詰從媼
因得其事厥後夫絕不入室所畜媼又爲氏所遣一
燈熒然戶外常切切聞人語因縫衷衣自衛恆徹夜
不敢寐氏與夫常常榜毒之死而復甦者數四一夕
竟死父控於官執訊未吐寔忽有一胡虻大如掌撲
鴻興面環繞公庭者三旋迴翔作霖前久之官知有
異嚴鞠始服罪虻乃去

合昏交枝柯鴛鴦會雙宿化爲胡虻飛韓憑千古獨賢哉高
氏女秉性貞且淑如何命不猶適此豺狼族凱風歌不聞終
風詩乃續慘遭橫逆來塵埃委珠玉含冤恐莫伸蛻作春駒
逐栩栩公庭前似訴妾心曲愧輸烏反哺恨雪蜂螫毒懲惡

豈稽誅維風恃當軸貞烈允宜旌景彼銅山麓行客薦渚蘋
闡揚心肅穆

戴

望

字子高銘金孫德清
諸生著謫磨堂集

施補華撰墓表略君生四歲父歿曾祖年逾八十祖五
十餘尚存母及諸母皆寡三世榮抱一孺子而泣而
君生有奇慧六七歲時讀書日數十行烏程程君可大
樸學有至行君以爲師而友丁君寶書及子晨夕渚厲
十數年不懈君學凡三變始好爲詞章繼讀博野顏氏
元之書則求顏氏學最後至蘇州謁陳先生翔鳳授公羊
焉通知聲音訓詁經師家法復從朱先生翔鳳授公羊
春秋遂摯精覃思博志治經成戴氏論語注二十卷證
文四卷輯顏氏學記十卷管子校正二十四
卷又爲古文尚書述屬彙未半而病已亟矣

立夏日雪

天意吁可怪無端夏雪飛紛紛斷江路片片送春歸愁說臨
安事憂聞溧水園無繆還對此默坐念庭闈

寄遠

鴻雁東南飛哀鳴向衡陽白雲在高天迢迢思故鄉與君共
命鳥鼓翼同翱翔飄風從何來靈匹忽分張皎日不再出弦
月難期望思君阻江漢欲渡無由杭當春蝴蝶飛眾草忽已
芳長愁蘭蕙質奄忽隨秋霜焦明尙有偶鳳獨離其皇紉君
秋蘭佩永矢弗相忘

述懷兼呈陳徵君奐宋大令翔鳳兩先生

丹穴有神鳥自名爲鳳皇趨步中韶護孤鳴含宮商朝飛冥
海游夕還息搏桑神明運八極豈以形骸妨何爲失其所燕
雀同翱翔豈不思明堂欲集無朝陽梧桐已見伐虞羅張高
岡羞爲欽鴟羣卷羽隱文章遐哉西方思彼美何可當

避兵東林山賦贈程大

急難重逢日相憐似弟兄家山仍夢寐烽火又清明歎息魚

鰕市頻驚艸木兵荷鋏知計拙應悔作書生

元日

寂寞逢元日書空黯自憐一生惟有淚萬變盡由天烽火驚

墟墓

先墓在仁王山官兵與賊互屯營其地

蕢蘩缺歲年春風吹劍氣愁到酒

杯邊

寂寥

歌罷南風有遠音聲情俱向五弦尋寂寥今古風雲外俯仰
乾坤痛哭深詞賦能消豪士氣江湖誰識布衣心漫漫長夜
何時旦坐看星河漏點沈

惆悵

惆悵魚羊禍未休難從鄒衍問神州晴天擊鼓高空裂

仲夏

已天鼓鳴西北聲如雷

暈月垂芒夜氣愁人有十洲三島思舟經八月

五湖秋誅茅安得南山宅臥聽村翁說頂劉

自江甯歸杭州襍詩

青楓樹禿過吳江墦影斜陽入短窗野史亭前成腹痛不禁
揮淚送輕艤明友吳剡森曉鍾為節士亦真先生族孫留心
之志今沒
已五年矣

寒山帆轉向新谿深竹林中杜宇號為憶徐生真絕俗每談

河右輒頭低徐處士初民嘗論近代經學之盛蕭山毛氏實

其言

東林寺裏舊藏書避地庚年此僦居今日荒山重訪古空餘

斷碣臥邱墟予于庚申年避兵歸安之東林山山有唐時

水南水北百家村中有書臞晝掩門萬卷丹黃零落盡可憐

弱弟亦無存過唐棲訪勞權卿驛卿藏書極富為浙西冠

與其弟格季言並精雠校各有著書亂後書悉

散亡季
言亦卒

新知吾得洪君木

洪陽湖緒

絕學毘陵有爾明甲乙古文憂墜地

搜尋南北徧齊荆

莊先生古文甲乙篇亂後其家亡失棄本君木詒書詢所親之官于齊楚者冀此書

復出也

一昔

一昔鯨霜四海秋端居終日抱離憂徒懷阮籍登臨歎長作
盧敖汗漫游亂世誰能謀祿隱全生終愧客諸侯越王臺上
思鄉處一片笳聲動地愁

度雲礫關

高枕閩江勢轉東當關一敵萬夫雄倒懸瀑布青天上亂激
危濤怒石中當日北門亡筦鑰至今南國怨沙蟲誰憐匹馬
秋風客望裏蒼茫似斷蓬

贈日本鏑融

海水連瓊浦遙瞻日出鄉衣冠符漢制典籍自周王羨爾通經術慙予仰聖牆乘桴如有便吾欲往東方

魯監國墓

墓在金門城東青山

翠華終不復渴葬此青山遺得雲根石高縣海宇閒去墓里湖湖上纍纍怪石號鼓岡王荒榛蔽雲日窮島限閩蠻儻法所書漢影雲根石刻在焉陽秋筆書王未敢刪

劉

芬

字芷人號曼甫鎮海貢生著大蓬山館詩稿

陳繼聰序略芷人貌朴而行篤恂恂然爲鄉里善人嘗從黃薇香師遊精小學劉藝蘭孝廉愛其詩著錄四明藝文志著有課餘札記月令七十二候考

古意

明月入高樓照我牀中綺白露涼虛窗泠泠溼芳芷西北有

佳人渺渺隔秋水思之淚徬徨中宵攬衣起

胡

枚

字小文號靜園鎮海人

董沛曰君為綺茗總戎孫好結納廣交游四方之士以
事至四明者無不與君接尤慷慨喜任事咸豐甲寅劉
麗川踞上海大府檄君襄理軍務構買糧藥軍賴以濟
明年吉勇烈公命君率五百人奪北城副將某繼之君
已破關刃數賊後軍畏葸不敢進賊以火器擲君焦髮
焚衣力竭仆猶罵賊不置僕陳啟仁奪君尸殮於一粟
庵年僅三十有六

副贈

員外郎世襲雲騎尉

郊行

空氣回暄淑天高眾鳥翔澹黃橫落日新綠布初秧舊侶書
都斷前途事莫量千秋一悵望烽火正倉皇

傅

霖

字雨人山陰人

傅懷祖政略先生幼負異才博極羣書詩文援筆立就
年未弱冠文名謀甚長遊齊魯久之病廢濟南逆旅揮
鬱以卒遺稿散佚無
錫朱熙芝校輯刻之

沈青霞先生祠

七尺身羈萬里秋居庸關外獨登樓彈文已向朝端布劍氣
還從獄底留千朵白蓮名士血一叢衰草相公頭而今賸有
荒祠在落日蒼煙叫鷓鴣

金陵懷古八首

只爲金刀運已窮黃鬚兒服紫髯公身前鐵鎖關明月臂上
銅鈴闖大風海氣鬱成天府壯濤聲春出將才雄如何入貢
稱臣去三世勳名一旦空

莫羨珊瑚勢獨尊輕裘緩帶幾人存諸公各濺新亭淚故國
誰招帝子魂祖豫州隨雞暫舞桓將軍比蝨還昏馬前牛後
須臾事賸有蕭蕭土一墩

萬里長城一夜寒元嘉更比景平殘黑衣宰相登朝易白面

書生禦敵難不見靈蛇盤大澤空聞虜馬壓長干傷心鼙鼓
南來日多少瘡痍不忍看

翦得蓮花朵朵開懊儂歌裏築樓臺敎降北魏臣都叛解習
西京鬼亦才兄弟久傷盤外肉帝王翻作市中魁禿鷲呢罷
眞龍起一盞醇醪劇可哀

佛在空虛賊在前素牀瓦器尙參禪心灰太子埋鷲日命畢
安侯射雁年千尺水翻戎馬地一羣山餓粥魚天官家得更
官家失訴與菖蒲亦黯然

朱雀門來黑虎舟璫枝玉樹一齊秋豔歌舊命都官采降表
新看狎客修刀上美人應有怨井中天子太無愁憐他一片
青溪水只照歡娛不洗羞

頃刻人天萬事非瓦官閣下散珠璣寂無士守瑤光殿空有

人量采石磯金格子凋鴛鴦裂皁羅厨冷麝囊飛浮屠建後
江山破一曲淘沙淚滿衣

漫道乾坤尙未積殘山賸水不勝哀屠刀已戮豬王去樂部
猶歌燕子來卿相半高牀上枕祖宗齊哭掌中杯古今祇有
梅花嶺地老天荒總不灰

旅夜書懷

千百點星密兩三聲雨寒屋積句蘇易鐙老孕花難客路蠶
叢逼家書雁足單明朝覓霜雪應向鬢邊看

胡肇鈞

字國生號雨濤
選從子會稽人

孫德祖曰余自經難卜居小阜步于君爲鄰里君長余
十年有用世之材而安貧處約不慕榮利每與君處未
嘗不歎義皇上
人猶在今世也

酒後漫書

一壺濁酒一編書醉後高歌樂自如別恨暫拋新舊雨閒身
惟戀水雲居錢刀冝爲長貧重筆硯何妨小病疎掃迹侯門
君莫笑布衣原不稱長裾

張履泰

字又泉會稽人
著又泉遺稿

家傳略履泰少昊大志好讀書不屑屑於章句之學歲
庚申流寇履泰乃航海抵粵入貲得官甲子寇平歸里
數月而卒年
才二十有九

晚晴

小雨晚來霽荒園草木疏微陽輕靄散老樹暝禽呼吟苦游
俱嬾身閒夢欲無興來嘗一盞薄醉不須扶

維揚感懷

繁華歌吹古維揚此日行經更斷腸繞郭旌旗連皎月極天
鼓角噪斜陽燒殘碧樹花猶怨葬盡紅顏土亦香我是司勳

舊同調詩成不敢逞清狂

陳

愷

一名龍光字綺堂諸暨諸生

郭肇曰君與壽子家孝廉爲忘年交詩學得其指授卓然可觀守經堂集亦君昆弟代梓許雪門太守贈句云好禮已除年少氣多情爲刻舊交詩可見君生平矣

錢江觀潮

汗漫頻年迹波濤底不平亂山吞落日萬馬壯秋聲海氣蒸雲上江風掣岸行中流誰砥柱天地一舟橫

徐鳳藻

字月舫諸暨諸生著壯猶堂詩

同治壬戌秋七月予辟寇過邑之葦塘見水上浮沫結成一女子形首足畢肖蓋抗節不屈而死者也惜無從悉其姓氏因作詩以弔之

生前貞烈死神靈波面盈盈幻作形人與清流爭潔白天教

碧水寫丹青獨憐苦節風千古誰弔貞魂月一汀太息姓名
無覓處未緣彤管表芳馨

張得僑

字素庵新昌廩生
著環翠軒詩四卷

俞鴻達傳略素庵才豐遇齋潛心古學工詩古文性坦
易家饒於賞極友愛好調恤戚里辛酉寇變遠近流民
恃爲東道主已不足又稱貸
而益之子鑑堂諸生有文名

海氛曲

海氛漫天崩洪濤地軸倏忽翻靈鼇風聲鶴唳紛遁逃狡兔
乃得恣嬉敖廣市白晝虎豹嘯朱門大廈生蓬蒿流離轉徙
雁磬磬引領北望心煎熬

帝閭萬里何處號忽傳

王師來江皋樓船十萬載朱旄窄襟斜壓赫連刀道旁笳鼓
驚兒曹將軍玉帳談六韜美人織手斟蒲萄清歌妙舞撥鳳

槽天陰鬼哭荒城高

短歌行

去者之日何滔滔愁城直逼蒼穹高美人瓊珮來江皋俯仰
笑余同桔槔人生天地如鴻毛秋空黃鵠恣翔翺胡爲落落
隨兒曹三百六旬常惛惛虛齋夢醒風蕭騷簷花欲落寒蟲
號涼月西殯首自搔萬事不如持霜螯造化有權那能逃升
沈窮達任所遭

漫興

烽火頻年急茆檐肩涕多幾人勒銅柱何日唱鐃歌定策元
戎壯成功大將和夜郎空自大洗甲有天河

拜

命新開府籌兵夜擁裘星辰動天上風雪冷旄頭莽莽干戈

氣滔滔江海流艱難思將帥

宵旰此殷憂

陳維翰

一名壽玉字仕生號菊村新昌人著石蘊山房詩文集

呂鴻燾傳略維翰銳志讀書入貲以布理問侯銓辛酉率民團禦賊不屈死祀忠義祠

古意

北山有二木一材一不材大匠入山去見取材者來東鄰有二雁一鳴一不鳴嘉客迎門至不鳴先就烹木以不材全雁以不鳴死人生天地閒何術保終始莊生雖寓言實足爲惇史

會稽雷門鼓大聲聞洛陽立武思將帥防姦鎮封疆不知殷與周楹懸莫能詳海盜起孫恩擊破雙鶴翔隻身劉季奴揮刀禦披猖瀛壖妖氛息唱凱聲煌煌千秋雷闕寂五色雲飛

揚名古雷門今過此持布鼓中心應慚惶

郭協寅號石齋臨

葉書曰石齋好古嗜學於鄉先生遺集搜求尤力手錄諸八轅書庫不下數百種耳目所及別成台州述聞遺聞佚事網羅殆盡當時吾台藏書家首推洪氏宋氏二家所無則求之石齋其時如洪芸軒司馬洪樞堂明經洪達泉大令宋礪山大令戚敬禮優異達泉修邑志館石齋於家嘗構靈溪山館遊諸名士題詠積成卷軸惜嗣君曉村茂才元暉先生石齋等身著作化為雲煙并書目亦不可問余搜得其錦海續志四卷嘗謂吾台蒐葺遺許達夫茂才得其三書畫志四卷嘗謂吾台蒐葺遺書者宋林先生表民明謝祭酒方石朝則首推石齋吾友黃君子珍繼之乃表民浮岡別業鞠為茂草方石子孫未聞振起石齋後嗣彫零殆盡而子珍又有伯道之痛何也

輓桂雲院徹崖和尚

徹崖方丈僧中龍主持宗教明且聰寶珠晃耀鱗鯨紅面如月滿音涵鐘廣長舌吐瀾翻空天花四墜紛雲中溪山占得

地一弓四圍蒼翠青玉叢螭牆屈曲房幽通春花爛漫秋丹
楓七十二載顏如童嗣法門人紛西東世緣截鐵眼磨銅六
時禪誦藥疲輦去無蹤迹來無從一絲不挂冷然風

鄔應溥

字月泉黃巖廩生
署綠筠軒詩鈔

擬謝靈運赤石進帆海

夏杪沿春暉和風動林樾川途異昏旦曜靈幾出沒睠茲滄
海深未慮波濤汨向若時安流馮夷罷奔突呼僮掇芳藻入
饌薦肥鯁空水共瀾漫極目信無竭於陵甘半李尙父辭溟
渤顯晦會有時守道意無闕三復接輿歌得喪辨鈞髮

路口夜泊

解纜雙峰下停橈數里程漁燈搖夜色風荻助潮聲待月空
江冷推篷宿鷺驚更深眠未得塔火對船明

上官德潤

字小樵黃巖諸生

雙硯齋筆記小樵少年英雋下筆于言所居曰半石山房邑中名士往往往觴詠其間爲東禪吟社

寒蟬吟社贈友詩

相見一何晚神交憶昔時風騷扶近代冰雪鑄清詞奪席戴

憑最敲詩賈島奇輸君射雕手道義友兼師

王子莊

卻喜初逢日相知最少年雅交紛縞紵香韻擷蘭荃春雨商

攜展秋風學理絃禮堂應寫定絕業必流傳

蔡仲吹

趙鴻治

字受福黃巖人著鬻古軒詩鈔

秋夜泊江下

帆影去悠悠江楓落葉秋白雲低淺水明月送行舟鐘響前

山寺燈紅隔岸樓自來還自往天地一沙鷗

胡維寬

字次恭樂清諸生著杏橋詩集

張考吉序略次恭為放仙從弟天姿穎異少即不凡同
治壬戌賊陷樂城遂趨詣永嘉柘溪請兵至青嶼村特
兵懼賊藉口糧匱輒遺去次恭知事不成仰天呼慟一
躍投清流而死年僅二紀悲夫予輓以聯云越境乞師
慷慨堪追南入志懷沙殞命幽
思爭弔屈平才蓋深惜之也

寄懷董琛船

燈下閒看兩鬢蓬蒼涼宇宙暮煙中亂惟亟甚才方出策到
窮時氣轉雄五夜雨聲蕉葉淚三秋酒味菊花風江都自是
無雙士悵望遙天聽漏銅

暮春寄林霽堂

滿天春色畫簾收日倚闌干境自幽芳草怒生新雨徑夕陽
閒上讀書樓花開芍藥人千里地隔蒹葭水一洲好遣東風
問消息淇川雞黍感同遊

林鳴球 樂清人

奇音竹

竹豈當年嶰谷移穿雲裂石發清奇疎枝嫋嫋嘶風處擊節
聲聲入雨時漫引柯亭傳異調應隨斑管和新詩天然逸響
知音少流水高山翠自垂

馮

邁

字淵卿樂清人
著半耕軒詩

葛之覃序略淵卿樂清布衣性疎曠
耽吟詠情有所觸一一發之於詩

題延祥寺僧房

竹樹繞禪房深秋三徑荒風煙迷曲澗鐘磬度虛堂游客穿
雲慣山僧補衲忙松陰涼滿座相對話滄桑

新涼

家居多暇日病體喜新涼水竹抽新筍鳴蟬亂夕陽遠山青
入畫纖月淡于霜更有秋風舊年年到草堂

江行

雲淨天空雨已收半帆風景見滄州
白蘋灘上棲閒鷺紅蓼花中繫小舟
滿袖西風吹落日數行木葉下清秋
閒閒試問江千水何事奔波不肯休